

Прияви на конкурс ше подноши на сербским языке або на языке националних меншинох хтори ше службено хаснує у Автономней Покраїни Войводини, зоз прецизним назначеньом за хтору ше наменку средства вимага, у сумох хтори заокружени на тисячи динари.

Термин за подношенє прияви 01. 03. 2011. року.

Приява муши мац:

- назву рахунку;
- назву банки при хторей ше рахунок водзи;
- число рахунку, хтори видала и оверела банка дзе ше рахунок водзи.

Кед локална церква не ма свой рахунок, у прияви мож навесц число рахунку епархий, бискупий, викариату або егзархату хторому припада, зоз шицкима наведзенима податками.

Прияви ше подноши особне зоз придаваньом на Писарнїци покраїнских органах управи у Новим Садзе, у прижемя будинку Вивершней ради АП Войводини або посла по пошти на адресу: Покраїнски секретариат за предписаня, управу и национални заєднїци, 21 000 Нови Сад, Булевар М. Пупина 16.

Прияви ше подноши виключно на предписаних конкурсних формуларох, хтори мож достац на спомнутих адресох, або зняц зоз интернет-адресох: www.vojvodina.gov.rs и www.puma.vojvodina.gov.rs.

Неблагочасни, недопущени, нерозумлїви або неподполни прияви, як и прияви гу хторим не приложени шицки потребни докази, не будзе ше розпатрац.

Як неблагочасни прияви ше трима тоти:

- хтори сцигли потим як вишол термин яки предвидзени у конкурсу.

Як недопущени прияви трима тоти:

- хтори поднесли неовласцени особи и субекти хтори не предвидзени зоз конкурсом, односно тоти прияви хтори ше не одноша на наменки яки предвидзени зоз конкурсом.

Як нерозумлїви и неподполни прияви ше трима тоти:

- хтори неподписани, зоз непополненима рубрикама, пополнени зоз графитним клайбасом, кед недостаток не одстранени ані у накнадним термину;

- хтори не поднешени на одвитууючим формуларе;

- без одвитууючого рахунку, назви банки, як и числа рахунку хторе видала и оверела банка;

- хтори маю нерозумлїви и нечитки податки.

Тиж так, не будзе ше розпатрац прияву подношителя хтори у предходним периодзе достал финансйни средства, а не оправдал их, тє. не доручел комплетни звит о трошеню финансйних средствох.

Покраїнски секретариат за предписаня, управу и национални заєднїци затримує право од подношителя прияви, по потреби, вимагац додатну документацию и информациї, односно за додзельованє помощи одредзиц виполньованє потребних условийох.

Подношитель прияви ше обовязує же пенєжни средства будзе хасновац виключно за наменку за хтору су додзелени, а же непотрошени средства враци бюджету Автономней Покраїни Войводини.

Подношитель прияви ше обовязує же Покраїнскому секретарияту за предписаня, управу и национални заєдніци у чаше 15 дньох од дня кед у подполносци вихасновал пенєжни средства, а найпознейше до 31. децембра 2011. року, доручи финансийни звит о утروشку средствох зоз спецификацию трошкох зоз своїх евиденцийох, як и финансийну документацию о утروشку средствох (контракти, фактури, фискални рахунки, одпосилни лісти и виводи з банки преїг хторей окончує платни обток).

Подношителе приявох у писаней форми буду обвисцени о резултату конкурваня, дзе Покраїнски секретарият за предписаня, управу и национални заєдніци не обовязни обгрунтовац свойо одлуки. Против тих дискрецийних одлукох Покраїнского секретарияту за предписаня, управу и национални заєдніци не мож уложиц правни лік.

Прияви и приложену документацию подношительом ше не враца.

Покраїнски секретар,

Мр Андор Дели, с.р.